

入神仙太一同行力制九天九土自清願家
俱仙舉宅同生急急如律令

老君曰六甲之精化為七星七星變動監察
萬靈註萬靈者謂人神龍獸精鬼等但是天
地之內生皆有靈通神之者曰靈也萬靈所

畏北斗七星故以學道之人皆知有北斗七
星而常存思戴履者降伏三官斷絕四司落
滅死籍注上長生令我學者仙道自成故號

斗成註一二三四五六七皆同之成也立其
此斗是先天地之象象成立以令糾察天地
之內萬靈立使令其死生皆是其斗所主也

故以人知學道者皆以存戴配著如人之衣
衣之好惡長短之殊而蔽身一等周遍不失
欲令萬靈畏敬而苟欲取其命長生也乃以

隨功一二之斗其功深淺大小使成之力不
失分毫初學之人須以日夜勤心記此之法
思存勿失星名字常結記在心道不離心

亦不須離道兩不相離計功立取神仙也
金鎖流珠引卷之六

金鎖流珠引卷之七

思六

說中篇上部轉身存用圖
中 華 仙 人 李 澤 風 註

諸道士若心修道讀經念真朝暮朝禮上香
或一日三時或一日六時或一日兩時之者

如此用心或十年二十年三十年或畢一生
皆无所得老病枯滅或即絕穀棲山燒丹鍊
藥年數深遠都无神靈何以憑託如此之

滅度至多若不得門有何可據若憑於齋戒
清高絕妻棄子者又眾不論道釋此子更多
總无一人得延生延命長生人世何況竟於

昇雲駕龍上為真人今釋氏典云今生修來
生所有所受不可為憑註佛經云今生修來
生受者非也我大道猶不許志念要圖五大

臣之心恐要承固其身何必於今生賜官之
心欲求來生重報此言妄極不可信為須求
受正道之門修行正道之要今生而見為道

君臣豈不念於身心在道今道在此身心俱
修取不取煉之體豈不抄也此說因緣下教

註佛經多說因緣此下人及无如女子多說
死生答報之因誘於愚下布施不可上人奉
行道說自然天生地育既天生地育水火而

始成身長成人身乃至於老死亦是天地水
火而始滅故生滅之本三界之中事事皆在
自然非在修種註佛經重修種之言不受自

然之教但以直於身心在道道種因福亦在
此身心萬行內修豈關外種註真人修身心
不修土木塔廟真人鍊身心不鍊金石事事

在自然之教也故上真用法訣不出一身之
內弘彌天地之間註合弘圖之說也後聖君
告西王母小女曰汝少讀書長大事人後數

年見人讀老君經始學讀乃識文字既識文
字如身中神名遍知否因聞說知神乃授此
轉身幽思結心印訣之法註正是此流珠之

內訣法也後大神通却教王母註母先但能
長生乘龍行天地中即可龍駕不能自攝龍
駕師子今起念雲龍滿天兵吏階地女子俱

得今說仙土也又再下授天師令以精思兼
考君之法法成身受考君中正法之師此世

天官亦同大郡守主之任身法不輕百日一
 思巡注巡檢世之妖神集鬼精邪令不為人
 崇十日一存用註用者思存用法觀世界恐
 有惡精邪神龍鬼妄為崇害於人及天地中
 常恐有毒蒸濁亂於人物又恐日月不明星
 宿不行風雨不時神鬼欺人如此等事是其
 一其二即自理身常令三魂七魄俱正正氣
 常行精魄分明可以長生生之如圖日月分
 明星宿內照註存七星俱入五臟之內鎮守
 身神缺存出道父之形狀如圖也或在軍陣
 或在山草或作大禁之所住止閉息一息萬
 步十二跡註此為步十二跡四步十二跡主
 十二支并十二月是太上老君授禹禹因傳
 世謂之禹步左手持道父註父者陽也男以
 左手持忍起起訖復思存之如人頭戴蓮華
 冠紫服在左手中新漸上頭心前如自身存
 長短自身存長九丈紫衣四道兵將執戈戟
 左青龍右白虎玄武朱雀羅列五雲容即石
 檢鬼日神日虎狼日惡人刀支日以朱塗之
 左右手相對於心前即叩齒三十六通關司

而祝存身為考召法師註今對奏請為考召
 使名也晉太上老君先奔時為務勸于桂西
 國二百五十年內化明王遠利為佛仗元極
 子為考召法師故號曰觀音聖世人疾病无
 天傷之人也兵將左右羅列如圖註圖在全
 鎮或珠經中如法也遠於世界口中吐大風
 雲彌滿天地行遠之命也

檢訣呪曰

天明明地靈靈吾為考召主先天地始生巡
 為天地使立為天地兵禍惡遂自滅福德見
 自生非但禁虎狼兼亦攝五兵神龍不敢神
 妖邪不敢靈指山山為崩指水水為竭指石
 石走轉指日日為明吾身行坐衛從有三百
 六十萬兵隨吾手指指則風火雷電立即自
 生急急如律令呪畢檢訣註訣在左手第一
 指都並及遊鬼日遊鬼日在四指第一節
 太上老君授十二跡禹步於黃帝世廣成子
 時授帝也堯舜之代授禹禹傳世人也



老君曰夫求長生之道皆須步綱檢訣并及
 救人制鬼伏神龍虎豹之法瘟毒疫癘之處
 五兵之中皆能獨身迥出亦能禁制亦能令
 眾兵出害此法微妙不可得聞見聞見者得
 通神神人衛護得此法皆須是明師先傳經
 法錄後乃經三年兩年後方始傳此法訣此
 法訣皆以口傳授一一依科法度不得一時
 三卷五卷併傳皆別言他事破除傳日即三
 事兩事作口訣一一傳是依前聖後聖之科
 便喜前聖後聖大道君至尊之心知不妄洩
 師弟俱得真仙豈非師之不妄傳弟子志能
 請授夫修求至道皆以傾心頓首謹信再求
 不可言言求師即分付如此世上凡師以順
 人情妄傳輕洩道法註上古大仙傳經法第
 早今修求三千日外方可傳引要法訣風今
 以見志人修求命在旦夕所以來請教戒并
 以觀戒三事五事得通心志不移志求長生
 願得濟世不泄非人遇人乃許便口傳授本

不傳於文字為其志遠之人皆有使忘之疾
記錄不習地府因此奉天曹上帝道君及後
聖若知恐真人聖師下口口傳弟子不得仙
罪責及三官符是天地水三官所害而死不
是其人妻却口訣修來元路所以不得仙於
是前聖老君便令掌法訣真人光妙音探習
引訣引入道門於此雜習一十五卷付授釋
天子及諸聖人修來之門咸世知有後聖君
又勅玉方平撰述三十卷傳授諸天及洞天
或有出世得傳者張天師張冲虛李延年李
少君李八百李景祐李法舟李常仙李仲甫
茅盈兄弟三人元少原真元子名仙章仲寬
朱少陽樂已東方朔尹喜徐甲徐審徐理是
甲子介象李不杜等數百人皆習此道而一
一得為真人自相雜習為道譜錄十五卷從
上古盤古之代始習繼代至於今時也之罪
註黃盧子葛越在少室山中忽有一志心
求道者不遇即忽遇越未越為師越奇之遂
還家得金帛頭求受之越告即早死罪也夫
道法先傳蘇法後授靈書法訣即太急速罪

及吾身遠不與授此人而去後果有神人下
告越卿若能用心元有輕淺也太上老君
告黃帝曰幽思轉身告命萬神註各命萬神
若身轉網紀之步一十二步是也以身
中萬神三魂七魄五臟百脈千竅萬靈之神
今正定各玉所司行生布氣與法動樂與天
地神陰陽之神日月星象神合成一體往往
如此於甲子日或六甲日一年通靈使兵二
年去千毒斬萬兵三年而仙道成子但行心
之處行住坐卧常存本師元不通重合通天
地自得成真本命為首註本令日常行思存
如圖一年便通神神思畏教一年之後使天
地萬神皆應心口无不知意歲歲言功行之
一年加五靈二年法備為真人也三年四年
上清漸親上感玉女中遇神人下攝萬靈无
不追身行此之法无不成真後聖君告上元
真人李方期曰卿欲言功受考君註考君法
始一人病差是一切三千人是三千功欲得
通神幽幽也思轉身註步網七竅事須轉
身古人言之轉身即今之步網是也欲得成

真步躡遠頻如此行修上界天真尋告言卿
若行功勤稍熟身有故不得行心存行之
不絕即得亦如身行步之法驗靈其一也註
上古仙人皆是心存之夫人行法持久心自
存記入心作念便是即不為難也長存行之
子孫相係功加六親

金鎖流珠引卷之七